

## ■ RUMANTSCH GRISCHUN

# Il computer dal scolast



Igl era ina giada in pover scolast ch'era vegnì unfis da curreger ils carnets dals scolars, perquai ch'els eran adina plain sbagls e fals. El ha vulì sa gidar d'in'au-tra maniera ed ha costruì in computer, ina macchina da curreger. Ussa duvrava el be (angal) avrir il carnet là nua ch'el vuleva curreger el ed al chatschar en la macchina. El smatgava in per tastas ed il carnet vegneva sutora cun ils stritgs cotschens ch'ils scolars han uschè navidas.

Haha, quai era stupent, ussa na duvrava el betg pli leger tut quai che ses scolars scrivevan. El aveva peda da fimar la pipa e dad ir a spass. En scola era el daventà pli supportaivel, el era bler pli miaivel cun ses scolars. Quai era stupent, u forsa betg!

I fiss stà tut bun ed en urden. Sche be (angal) ils scolars avessan chalà da far sbagls. Ma dals ezs faschevan els pir che mai. Els scrivevan da tuttas sorts tgutgarias en lur quaderns: «La stiva da scola è in zonn plain tschuts ed in che beschla»; «Nossa naivera naiva naiv cotschna». In auter aveva scrit: «Set velos gia set motors dattan quarantanov velos a motor».

Il computer suttastitgava bain ils sbagls da scriver; però tut las tgutgarias laschava el star; pertge ch'el na saveva gea betg pensar, schebain ch'el era in bellezza computer.

Ils geniturs a chasa, che legevan magari las lavurs da lur uffants schevan: «Mo voss scolast è bler memia bun cun vus. El stuess esser pli sever». Els han tramess lur uffants tar in auter scolast, in che n'aveva nagin computer da curreger.

Cura ch'il scolast ha vesì ch'ils scolars na vegnievan betg pli, ha el chalà dad ir a spass fimand sia bella pipa. El ha dustà il computer giun tschler ed ha puspè fatg a maun sia lavur lungurusa.

Immediatamain èn ils scolars puspè turnads a scola tar el. Els geniturs savevan ch'el era in um intelligent. Els schevan. En emprima lingia è el intelligent perquai ch'el ha savì chattar ora in computer per curreger e per l'au-tra è el anc pli intelligent perquai ch'el ha mess il computer giun tschaler».

(Ina veglia paraula adattada al temp d'ozendi)